

# **Universitätsbibliothek Paderborn**

## **Instructio Practica ...**

Unà cum Rubricis ejusdem Missæ brevibus Notis illustratis

De SS. Missae Sacrificio Juxta Ritum Romanæ Ecclesiæ offerendo - Unà  
cum Rubricis ejusdem Missæ brevibus Notis illustratis

**Lohner, Tobias**

**Dilingæ, 1676**

Pars V. De Benedictionibvs Et Processionibvs.

[urn:nbn:de:hbz:466:1-48307](#)

violaceus usque ad Missam, Rubeus deinceps adhibetur, qui & in privatis Missis hujus diei quoad vestes Celebrantium adhibendus, licet celebretur ante Nonam. De Simplici non fit Commemoratio, etiam in Missis privatis, licet in Officio facta sit. Idem n. 19.

## P A R S V.

DE BENEDICTIONIBVS ET  
PROCESSIONIBUS.

**E**Tiam hæc materia non dissimulanda videtur pro complemento hujus Instructionis, utpote in qua vel maximè Sacerdotem exercitatum esse oportet. Quia tamen pleraque, quæ de Processionibus & Benedictionibus in specie dici possunt, accurate in Rituali Romano & Dioecesano descripta habentur, ideo ea potissimum hoc loco indicabo, quæ in genere circa easdem Sacerdoti sunt observanda; non nisi breviter explicando, si quid de aliqua sive Processione, sive Benedictione in specie fuerit singulariter notandum.

## T I T U L U S I.

## D E B E N E D I C T I O N I B U S.

I. **B**enedictio hic pro prece sumitur, quâ Ecclesiastico more rebus ipsis specialis sanctitas confertur, ita, ut in usus prophanos deinceps transferri non possint. Gavant. p. 4. tit. 18.

II. Benedictionum aliæ sunt *Constitutiva*, aliæ *Invocativa*. Illæ sunt, per quas sive res, sive Personæ divino cultui dedicantur: istæ, per quas vel rebus, vel Personis auxilium divinum imploratur. Primi generis sunt Benedictiones aquæ, vestium Sacerdotalium, Mapparum, Altaris, Corporium, & Vasculi pro SS. Eucharistia. Secundi generis sunt, Agni in Paschate, ovorum, panis, novorum fructuum, cuiuscunque rei comedibilis, candelarum, loci, domûs novæ, aut navis, thalami, quæ in Missali descriptæ sunt.

III. Habitus benedicturi Sacerdotis est Superpelliceum,  
& Sto-



& Stola regulariter alba; aliquando violacea, nempe in Benedictione Exorcismis conjuncta, unde ad aquam benedictam eo colore utimur. Potest tamen adhiberi color temporis conveniens. *Ibid.*

IV. Stando semper benedicit, & aperto capite, manuique format signum Crucis versus rem, ubi est nota †, in fine autem aquâ benedictâ aspergit illam ter, hoc est, in medio, à dextris & sinistris rei benedicenda. Orationes dicuntur manibus junctis.

V. Super Altare res benedicenda quidem plerque collocari possunt, non tamen esculenta; hæc enim potius extra Altare in mensa separata ponni debent.

VI. In Benedictione Cereorum, Cinerum, Palmarum hæc specialiter observanda sunt. Indutus Pluviali violaceo Celebrans, ubi ad Altare venerit, factâ convenienti reverentiâ, ascendit ad Altare, illudque osculans accedit ad librum, ubi stans inter utrumque Ministrum, prout ad Introitum stare solet, legit Antiphonam, aut alia, quæ notantur in Missali: tum dicit Orationes manibus junctis, &, dum benedicit, manu dextrâ Cineres, aut Cereos, aut Palmas, Diaconus à dextris fimbriam anteriorem elevat. Deinde imposito incenso in thuribulo, ac de more benedicto, ter aspergit à medio, à dextris & sinistris res benedicendas, quas statim etiam ter eodem modo incensat. Quâ benedictione completâ cum Ministris ad medium Altaris accedit, ibique conversus ad Populum, ac stans inter Diaconum à dextris, & Subdiaconum à sinistris assistentes, accipit à digniore ex Clero Cineres, vel Ramum, vel Cereum, & mox etiam ipsi, aliisque per Ordinem eosdem Cineres, Cereos, aut Ramos distribuit, ac denique post finitam distributionem rediens ad cornu Epistolæ præscriptam Orationem dicit, Ministris à tergo stantibus.

## TITULUS II.

### DE PROCESSIONIBUS.

I. **D**E his fusè agit integro Tractatu Paulus Maria Quar-  
ti, qui sect. I. pu. 2. num. 2. hanc ex Ferrario de-  
scriptionem Processionis assert: *Est religiosa precabundus agmi-*  
*nistrum.*

M

Pars V.

178

nis, certo cum ritu, obambulatio. Eas Gavantus p. 1. tit. 19. lit. C. ex historia Evangelica & Turbis Christo in die Palmarum obviam euntibus ortum sumpsisse putat. Aliæ sunt Ordinariae, ut in Festo Pnrificationis, Litanijs majoribus & minoribus. Aliæ Extraordinariae, quæ authoritate Episcoporum, aut aliorum legitimorum Superiorum instituuntur. Gavant. l. c.

II. In omnibus Processionibus præcipuum, & generale est, ut Crux inter duos Ceroferarios candelabra accensa deferentes præferatur, ita ut imago terga vertat Clero sequenti, quasi præire videatur.

III. Quoad Ordinem standum est consuetudini locorum; decet tamen, ut primo loco Fraternitates, deinde Regulares, & tandem Clerici tanquam honoratores Crucem sequantur. Si verò Clerici aut alij deferant candelas accensas aut ramos Palmarum, tum, qui à dextris procedunt, dextra quoque manu eosdem portent, & alteram manum pectori applicent. Bauldrius l. c. n. 4. & 9. Qui verò à sinistris incedunt, sinistrâ, vel ramos, vel accensum Cereum, elatum ad æqualem proportionem, cum suo quisque collaterali deferant, alteram manum pectori admoventes. Gerlac. p. 4. tit. 5. §. 23. Per angustiorem locum transeundo, junior præcedit, subsequitur senior; superatis angustijs eodem, ut priùs, modò incedunt. Si procedentium numerus impar fuerit, ultimi duo, medium habent seniorem, qui etiam solus, maximè, si Prælatus fuerit, aut loci Superior, post omnes incedere poterit. Gerlac. p. 4. tit. 5. §. 29.

IV. Extra Ecclesiam omnes caput regunt, nisi SS. Sacramentum deferatur, aut ex professo insignis aliqua Reliquia. Gerlac. p. 4. tit. 5. n. 32. Cantores dum soli cantant, semper sint nudo capite.

V. Quando fit Processio ante vel post Missam, Diaconus & Subdiaconus Dalmaticis suis induiti Sacerdotem comitantur, & fimbrias elevant Pluvialis, nisi fortè Subdiaconus Crucem portet, tunc enim Diaconus à sinistris Celebrantis incedit sine elevatione fimbriarum. Quando verò fit Processio alio tempore v. g. post Vesperas, Pluvialia assumunt, exceptis Processionibus SS. Sacramenti, in quibus semper Dalmatica utuntur. Bauldrius l. c. n. 21. & 22.

VI. Re-



VI. Reliquas Processionum Cæremorias quod attinet, in Ordinarijs quidem serventur, quæ in Missali in Festo Purificationis, & Dominica Palmarum præscribuntur; in Extraordinarijs verò illæ, quæ vel in Ritualibus Diœcesanis notantur, vel certè, quæ per consuetudinem in una aut altera particulari Ecclesia piè & rationabiliter sunt introductæ, observentur.

VII. Quia tamen frequenter instituuntur Processiones cum Venerabili Sacramento, ideo breviter hic annotabuntur, aut, potius in memoriam revocabuntur generales quædam Regulæ, quæ in omnibus locis ob reverentiam huic Sacramento debitam observari debere videntur.

VIII. Primò ergo diligenter attendat Celebrans, ne Casulam supra Altare exuat; sed potius ad cornu Epistolæ se retrahens extra illud in plano Pluviale assumat, nisi fortè jam antè in plano consistat, aut omnino ad Sacristiam redire malit, ut aliqui faciunt.

IX. Secundò, ut ad medium Altaris è Sacristia procedens genu utrumque flectat in infimo gradu, ibique parùm orans, & ad secundum gradum ascendens, ac thus imponens, SS. Sacramentum in supremo gradu flectens ter incenset, antè & post profundè se inclinans.

X. Tertiò, ut manens genuflexus SS. Sacramentum à Diacono accipiat junctis manibus, quas deinde primùm Diaconus velo cooperit, ut non videantur; sique teneat Monstrantiam, ut Hostiæ imago Populum respiciat. Tum surgat, & versa ad Populum facie exspectet, donec Clerus & alij Ministri præcesserint.

XI. Quartò, ut, ubi in fine Proeessionis ad Altare redierit, Diacono in supremo gradu Altaris ad cornu Epistolæ genuflexo stans in secundo gradu Sacramentum porrigat, & ubi is illud in Altari collocaverit, ipse retento adhuc super humeros velo (ut vult Bauldr. p. 4. c. 26. n. 13.) incensum in thuribulo sine benedictione imponat, SS. Sacramentum more solito incenset, & tum, ubi Ministri Versum *Panem de cœlo cecinerint*, ipse in plano, ad quod statim post incensationem ex supremo gradu descenderat, Orationem de Venerabili, & (si alicubi, maximè in Oratione decem aut quadraginta horarum, consuetudo sic exigat, etiam Orationem

180 *Pars VI. Rubricæ de Ritibus Missæ*

de B. Virgine, & *D E V S refugium*, vel pro pace subjungat; quā in re cujusque loci consuetudo attendenda & servanda erit.

XII. Ut his Orationibus finitis ascendat ad Altare, genuflectat, & sine ullo Diaconi Ministerio velatis manibus, ut priùs, Monstrantiam accipiat, séque ad Populum vertens, eundem, facie Hostiæ ad ipsum Populum versa, simplici Cruce benedicat, nihil dicens, nisi fortè alicubi consuetudo sit, ut ipse ex penultima & ultima stropha Hymni *Pange lingua* primos cujusque strophæ Versus canat, respondentे Choro, tum enim hunc morem servare, & ad illa verba: *Sit & benedictio*, Populum simplici Cruce benedicere poterit. Bauldrius l. c. n. 21. & 22.

XIII. Incensatio à duobus Acolythis duobus modis fieri potest. Primò, si Acolythi alternatim incensent duobus thuribulis, ut sit in incensatione Personarum. Secundò, si præcedant, hinc inde moventes manibus dextris thuribula de ijsdem pendentia & effumantia, quasi sternendo viam SS. Sacramento cum odore incensi. Qui modus est magis usitatus, & majorem reverentiam notat erga SS. Sacramentum. Gavant. tit. 8. litt. Q.

---

*P A R S VI.*

**C**ontinens Rubricas de Ritu Celebrandi Missam brevibus Notis illustratas.

**E**T si ea, quæ hactenus de Missa tam in Communi, quam in particulari diximus, sufficere possint ad praxin Cæmoniarum facilem reddendam; quia tamen ex una parte non parùm ad Ritus ipsos perfectius addiscendos conductit, si in ipso etiam Missali, velut in Fonte, legantur; ex altera verò parte Missalia, in quibus ea Tirones legant, plerumque habere ad manum non possunt, aut certè non satis intelligunt, ideo non parvam ipsis me gratiam præstiturum spero, si non tantum ipsas Rubricas de Ritibus in celebranda Missa observandas in sexta hac parte proposuero; sed etiam

Notas

